



續易簡方論後集

一二

武
379
/



門中武
第 973
卷 /

宋 盧氏著

續易簡方論後集 二卷

松屏舍藏板

續易簡方論後集目錄

續易簡方論後集目錄

祖常

纂次

卷之一

論養胃湯

和氣飲

論參蘘飲

論必勝散

論三生飲

論小回陽湯

舉卿古拜散

論薑附湯

茯苓補心湯

獨香散

露星飲

論五積散

催生湯

烏金散

論小柴胡湯

論真武湯

論四逆湯

論附子湯

桂枝附子湯

木附湯

甘草附子湯

卷論五苓散

論縮脾飲

論滲濕湯

紫神麴酒和刺麻散

四味理中圓

卷論杏如神湯

立安圓

論降氣湯

川女赤山丸

論四川方三將圓

杉木節湯

五獸三匱丹圓

三匱圓

卷之二

論四物湯

野苧湯

論安胎飲

野苧湯

論年川方蒲黃黑神散

論野子煩

子懸

論野皺脚

胎水

論惺惺散

論理中湯

論平胃散

論感應圓

論斷下湯

祕方斷下散

祕方羚羊角圓

論四獸飲

論杏子湯

紫蘇子八味降氣湯

祕方胃風湯

川方常山飲

四和野中圓

說鈞曲脉

卷之三

孫志寧傷寒簡要

論正翕翕發熱

潮熱

邪氣在表

邪氣半在表半在裏

表證往來寒熱並裏證往來寒熱

李子建傷寒十勸

傷寒頭疼身熱

傷寒不思飲食

蒸蒸發熱

寒熱

邪氣在裏

傷寒當直攻毒氣

傷寒腹痛

傷寒自利

傷寒胃脇痛

傷寒手足厥冷

傷寒病在裏

傷寒飲水

傷寒勞復食復

孫志寧論發熱惡寒近似傷寒者五

傷寒證

傷食證

癰癤證

風痰證

瘧證

論五香連翹湯

論青木香圓

卷之四

藥方

諸風例

小兒祕傳金汞靈丹

大聖一粒金丹

星附湯

三建湯

大省風湯

小省風湯

大紫豆湯

傷寒例

升麻葛根湯

葛根解肌湯

傷暑例

五苓散

消暑圓

香薷飲

濕例

滲濕湯

防己黃耆湯

諸氣例

四七湯

七氣湯

補助例

青娥圓

頭風例

寸金散

頭痛失明

透頂散

病後氣虛頭痛

玉真圓

小便夜多例

川方五子圓

渴非宜疾例

香香餅

玉壺圓黃餅

玄兔丹

鹿兔煎

班龍腦珠丹

婦人胎前產後例

娠傷寒

娠安胎

娠中風

娠患瘧

娠小便不通

娠溺血

產後腹痛

產後腰痛

產後臍下痛

產後陰腫

產後陰挺出

產後水瀉

產後大便秘

產後虛汗

續易簡方論後集目錄
五
產後蓐勞

小兒驚例

慢驚風

風定調脾

欲生風

虛甚作慢驚

困而不惺

已作風候

急驚風

急驚頃刻十發

小兒疳例

史君子圓

肥兒圓

癰腫例

川方香黃散

拔毒圓

武非肉補散

番香散

口瘡例

赴筵散

老人口瘡咽痛

喉閉例

如聖湯

吹喉散

卷之五

嗜丹破迷說

三建湯指迷

續易簡方論後集目錄

Blank columns for text on the right page.

續易簡方論後集卷之一

王頌淺見寡聞不思仲景有曰仲景漢長沙太守張機字九傷

於寒則為病熱熱雖甚不死惟兩感於寒者必死

一日太陽受之則與少陰俱病即頭痛口乾煩滿而渴二日陽明受之則與太陰俱病即腹滿身熱

不飲食讖語三日少陽受之則與厥陰俱病即耳聾囊縮而厥水漿不入不知人者六日死即餘

所死者多由初病初藥之誤王頌首背此訓強引

養胃湯為不問風寒二證發汗劑用大褒其功明

載于卷可謂半同兒戲半同屠宰祖常既知禍原

陳之不得不懇切君子謹於衛生覽之不可不審

諦此湯王頌載于三十方之五其戕世暗出于三

十方之上。故移叙于首。兼以傷風傷寒歲時時。人病者多。中風中寒。古古今今。人病者罕。故述于先。却非不識諸風。病長失其次序也。

養胃湯

用厚朴茯苓蒼朮人參橘紅藿香草果半夏

甘草九品。皆非表散風寒。二邪汗劑。顧妄為。故誤。世之庸盲。指九品內藿香為發汗。然神農一經無一語。及仲景一書無一方用。願易簡方前所載藥性。亦無一字道著。此湯非古書所有。乃吾鄉良醫陳無擇先生有所悟而述。先生輕財重人。篤志師古。窮理盡性。立論著方。其持脉也。有若盧扁。飲上池水。而洞察三因。其施救也。不假華佗剖腹。

剗腸而徹。分四治。愚少嬰異疾。因有所遇。癖於論醫。先生每一會面。必相加重議。以兩儀之間。四序之內。氣運變遷。客主更勝。興患多端。探頤莫至。一日先生忽訪。語及鄉達。余史君光遠。不以平胃散為性燥。世有畏燥。用薑棗搗煮。取其潤者。以薑棗受拜。平胃散名。有麻商。煮蒼朮。取其潤者。以其燥者。以參苓。平胃散名。分惟精修服餌。不輟。飲啖康健。兩典瘴郡。往返無虞。享壽幾百。先生又悟局方藿香正氣散。不換金正氣散。祖於平胃。遂悟人身四時。咸以胃氣為本。當以正正氣。卻邪氣為要。就二藥中。交互增加。參苓草果為用。凡鄉之冬春得患。似感冒而非感冒者。秋之為患。如瘧而未

成瘡者更迭問藥先生屢處是湯隨六氣增損而
 給付之使其平治而已服者多應先生立是湯以
 養胃名其義可見然鄉之從先生游者七十餘子
 類不升堂入室惟抄先生所著三因一論便謂學
 足無病不治而去宜其年皆不永而名無聞願雖
 嘗一登先生門乃輒主是湯不問風寒二證及表
 裏之殊均可治療令先用厚被蓋睡連進數服仲
 景法云只先服藥後溫覆願云先厚覆蓋睡後進藥
 厚覆與溫覆不同先藥與後藥有異反仲景之治
 法者仍以薄粥熱湯佐之不啜粥王願云服麻黃湯
 又啜熱湯反仲景法者二令四肢微汗澀澀然仲景
 景之治法者二令四肢微汗澀澀然仲景法云
 微似有汗蓋以邪中太陽一經其經從目眚起上
 頭連於風府分為四道下項并正別脈六道為諸

陽經主氣或中寒邪必發熱惡寒緣頭項腰脊是太
 陽經所過處故頭項痛身熱惡寒緣頭項腰脊是太
 四股微汗而一身之邪何由盡除反仲景之治法者三
 非愚按仲景治傷寒法言之初病發熱頭痛惡寒
 無汗身疼其脈浮緊是乃寒傷榮為病深故處麻
 黃輩發其寒邪隨汗而越按仲景治傷風法言之
 初病發熱頭痛惡風有汗而煩其脈浮緩是乃風
 傷衛為病淺故處桂枝輩散其風邪溫表而解二
 者正以惡寒惡風無汗有汗分別而用麻黃桂枝
 易簡方叙分辨傷寒既云惡風傷風亦云惡風未
 聞傷寒有惡風者三誤也若有前項傷寒證現其
 脈合浮緊而反緩則是傷寒見風脈若有前項傷

風證現其脉合浮緩而反緊則是傷風見寒脉故
 處大青龍湯以總治之。顧并主用養胃湯是將何品使其風寒二邪發越也
 無擇先生每念麻黃桂枝二湯世人不識脉證者
 舉用多錯精加討論局方五積散一藥處用之理
 極有神功先生又於中汰去麻黃名和氣飲如有
 前項傷寒證現身痛無汗者則加葱白豆豉同煎
可代麻黃湯如有前項傷風證現有汗者則加川芎白
芷同煎。可代桂枝湯儘可備不明脉者只詳證為初藥
 平治之自罕差夫先生豈小補哉由是鄉之富貴
 貧賤皆所共聞間里鋪肆悉料出賣顧既為先生
 門人亦須薄知一二却乃不載顛末反倣師巫作

子誑世愚民不問風寒二證例令蓋故絮暖熱湯
 白劫其汗借養胃湯為汗劑以顯其功術亦謬矣
 是以易簡行之未幾顧家至無噍類報應之速如
 此哉愚更以傷寒未易輕發汗者為告約而言之
 於中便有四難若發熱頭疼有汗而非無汗惡風
 而非惡寒例發其汗汗不止為漏風間有發而為
 瘥者此分外證發汗之難一也至於發熱頭痛尺
 脉遲者為榮虛血少不可發汗發熱頭痛脉弦細
 者此屬少陽不可發汗汗則讖語此分脉發汗之
 難二也動氣在左不可發汗汗則頭眩汗不止則
 筋惕肉瞤動氣在右不可發汗汗則衄而渴心苦

盧氏續後集卷之四
四
煩飲則吐水。動氣在上不可發汗。汗則氣上衝。正在心端。動氣在下不可發汗。汗則無汗。心下大煩。骨節苦疼。此知內證發汗之難三也。春雖宜汗。不可大發汗。以陽氣尚弱。冬不可大發汗。以陽氣伏藏。汗之必吐利。口中爛生瘡。此知時發汗之難四也。况仲景分列其他不可發汗者三十餘條。孫與王皆不盡識。仲景且謂九月十月寒微病輕。十一月十二月寒嚴病重。正月二月寒解病微。三月四月陽氣弱。暴寒折為病猶輕。五月六月陽已盛。暴寒折則熱亦重。七月八月陽已衰。熱亦微。治法輕重各有其殊。是法顧與志寧各不曾見。而許氏本

事方載范雲不可妄汗。為醫者戒。亦不過目。本事所載云。南史著范雲為陳武帝屬官。有九錫之命。在旦夕。范雲忽患傷寒。恐不預慶事。召徐文伯診視。以實懇之曰。可便得愈乎。文伯曰。便愈甚易。恐二年後不復起耳。雲曰。朝聞道夕死猶可。况二年乎。文伯劫取其汗。頃刻而解。雲甚喜。文伯曰。不足喜。後二年果卒。夫取汗先期。尚促壽限。况不應汗。及不問風寒二證內外之殊。一例輕劫其汗乎。由是而觀。則妄用養胃湯發汗。蓋不止犯三失四難也。其誤其害。當無窮矣。切告毋襲其說。先用厚被蓋睡。進藥數服。啜薄粥。飲熱湯。輕劫其汗。此所當

盧氏續後集卷之一
五
痛戒者。雖然。若冬時嚴寒。非感非冒。果重傷於足。太陽膀胱之經。或未發熱。必先有寒。或已發熱。必須惡寒。而頭痛。更加以體疼。脉浮而無汗。或脉寸尺部俱緊者。此為正傷寒。當正發其汗。若以仲景論服麻黃湯。只云覆取微似汗。不須啜粥。論服桂枝湯。却云服湯已。須更啜熱稀粥。以助藥力。溫覆令一時許。遍身絜絜。微似有汗者。益佳。不可令如水流離。病必不除。若一服汗出差。停後服。不必盡劑。服湯已。須更啜熱粥。以助藥力者。是亦俟其藥氣行而後啜。宜消息之。尤認見其未易輕於劫汗也。苟應汗不汗。却能發為魀衄。在仲景散條。却曰。

大陽病。脉浮緊發熱。身無汗。自衄者愈。然此發衄。病家驚怖。而欲強止之。有識醫者。乃暗喜其欲解。仲景又謂。既衄之後。不可再汗。汗出必額上陷。脉急緊。直視不得瞬。不得眠。尤宜審此。有如實齋王先生守吳日。姪壻衛學士患傷寒。診其六部。俱數而歇至。愚謂此脉名促脉。非傷寒家有。莫是病來曾怒否。曰然。愚以外邪未足慮。先用蘇合香圓。如半圓。眼大新冷。水磨化與飲。以試脉應如何。須臾脉復通。而浮緊。面色赤。而目瞋。愚曰。此必衄作。食頃果衄。先生撫几稱奇。隨只易八味降氣湯兩劑而愈。大凡衄後。尚有頭痛。體熱未盡解。少與桂枝。

湯不宜再取汗也。前分正傷寒正汗之說，無識者勿訝。蓋以傷寒有正病，有併病，有合病之分。其併病者，太陽初得病時發其汗，汗先出而不徹，因轉入於陽明經者，併病也。合病者，乃太陽陽明少陽三經互合為病也。其詳愚嘗分辨於擬進南陽活人參同餘議之中矣。

養胃湯非發汗劑，隔陌強引，治不中病，宜其熱必復留，却於法後云熱未除，以參蘇飲款款調之，不知款款養病久而變壞矣。一誤人也。今以仲景朱肱治法細而陳之。若初得病頭痛發熱無汗，雖已服麻黃之類發其汗，而熱未除，脈猶浮數，是乃表

證尚在，而仍發熱，宜桂枝湯。以其脈浮數屬表故也。若得病頭痛發熱有汗，合行溫表，反用麻黃之類，大發其汗，因爾汗多，虛熱繼留，其證筋惕肉瞤，是乃汗多亡陽，而仍發熱，宜真武湯。以其筋惕肉瞤屬虛故也。若初得病惡寒，其人本不傷風，而傷於寒，治在太陽，可發其汗。發汗後不惡寒，只發熱，此表證雖罷，胃亡津液，發為實熱，宜調胃承氣湯。以其不惡寒表證罷而知也。若初得病不惡寒，其人本不傷於寒，而傷於風，復傷於熱，治在少陰，厥陰，不可發汗。醫誤發汗，已而身灼熱，此治不應法，而熱不去，是乃風熱在，而身灼熱，宜知母乾葛湯。

以其身熱甚如火之灼而知也。此四者一以桂枝芍藥輩微取其汗，一以附子茯苓輩補其陽，一以大黃芒硝輩下洩其實，一以知母乾葛輩解瀉其肌。補瀉汗下，霄壤遼絕，只以參蘇飲款款調之，可乎難矣哉。

養胃湯強劫其汗，邪不盡去，頭疼如故，却於方後云當以葱白生薑湯下聖餅子，可謂緩而不切，兼聖餅子名多重出，若是局方如聖餅子當明言令分曉，亦合云細嚼嚥下，不當只說下一字。二誤人也。朱肱活人書中六十九問已發汗頭疼如破，連鬚葱白湯不止，葛根葱白湯。

養胃湯所用九品已見前說，皆平和劑，而頤謂兼

治四時瘟疫，果如其說服之，非獨藥不中病而死

生反掌矣。三誤人也。切宜審諦。瘟疫為病極為可畏，一家傳染或至

一方長幼患狀悉多相類

養胃湯頤用以治飲食傷脾發為痰瘧。痰音皆然治

飲食傷脾之瘧當尅食以理脾，但痰瘧一病非因

食成。聖經曰：夏傷於暑，秋成痰瘧。世醫但說無痰

不成瘧而已，其感多門，暑瘧治不中病，留連不已

故為痰瘧。痰老瘧也。孫王皆不明其因暑，妄為指

治四誤人也。審之審之，治瘧之法，愚已載于四獸

飲中。

參蘇飲 頤云治一切發熱頭疼體痛此三證惟太陽
經傷寒則備有之若傷風即無體痛之證一非也
又云若增寒壯熱者當先服養胃湯復執著不反
二非也又云單單發熱者止服此飲頤自知此藥
非專治傷寒發熱頭痛體疼之劑一欸招就自合
改悔又復強曰若因感冒亦如服養胃湯法厚被
蓋睡連進此藥數服汗出即愈或尚有餘熱更宜
徐徐服之自然安平徐徐之說即是前所謂欸欸
也皆非一藥對一病一日可一疾三非也竊詳此
飲本名前胡散專主勞心過度氣結痰飲作熱先
生每每對證處用多效褒其名曰參蘇飲頤何苦

隔陌強引且於方後力云但是發熱皆能作效不
必拘其所因此語誤人尤甚然發熱有一十三門
可得以一藥律乎頤亦自知止治氣結痰飲作熱
乃過其說曰又治痰氣中人停留關節手脚羸曳
口眼喎斜半身不遂頭痛發熱狀如傷寒者悉能
治之此尤擔閣殺人痛思縱作痰氣患重何便使
人似中風證如傷寒狀也參蘇飲又豈能療手脚
羸曳口眼喎斜半身不遂又云治吐血衄血便血
略無近傍雖大料大釜煎湯一日三浴亦莫能效
局方有必勝散治男子婦人血妄流溢吐血衄血
嘔血咯血用小薊并根蒲黃微炒熟乾地黃芍藥

當歸去蘆人參烏梅去核各一兩搗羅為麤散每服五錢水一盞半煎至七分去滓溫服不拘時候又云并治婦人下血過多致發虛熱調血則熱自不作孫與王人下血過多致發虛熱調血則熱自不作孫與王既謂虛熱莫投之益虛否投之却不獨擔閣禍即繼生又云治用心過度發熱此則有之先生嘗以是參蘇飲二分加婦人四物湯一分用之多應因以茯苓補心湯名之願乃詭秘不著此湯之效以曉世亦如五積散之不肯顯以示人也

易簡方第一 **三生飲** 用天南星壹兩附子川烏各半兩木香一分本專治卒中昏不知人口眼喎斜半

身不遂痰涎潮上咽喉鋸聲者蓋以賊風中人有若鋒鏑之中既而仆地昏不知人其候已重非感風冒風傷風之比先哲處方揚天南星為君抑附子為臣川烏為佐故減其半木香為使又尅半焉此治風抑揚制攝之法在是願妄云主病不問外中風寒詳南星附子川烏合為一湯除搜風豁痰為用何品以為驅逐中寒之正藥也昔有武士守邊大雪出帳看視忽爾中倒隨行醫官急灌大劑附子理中湯乃甦載于方論儘可為例何必隔陌強引也審此則三生飲不與中寒相關者一又妄云主治內傷喜怒正經固曰暴怒傷陰暴喜傷陽

厥氣上行滿脉去形去形之說亦能暴絕也。一以氣傷陽。一以氣傷陰。其氣逆而上行。乃屬內因。如何用外因藥治之。况喜則氣緩。氣既緩矣。其能禁受生南星附子川烏等劑。大為疏豁乎。怒則氣上。氣既奔矣。又將何品啓其正氣歸于元乎。局方氣部自有回陽湯。例其湯用益智仁川烏頭炮去皮臍。乾薑炮。各一兩。青皮半兩。附子壹隻。重八錢者。生去皮臍。咬咀。每服半兩。水二大盞。生薑十片。棗三枚。鹽少許。煎七分。去滓。溫服。治丈夫婦人無問老幼。卒暴氣中。若氣中閉。目不語。四肢不收。昏沈者。只與獨香散。南木香。不以多少。為細末。用冬瓜

子煎湯調下。又無故而瘖者。脉不至。不治自己。謂之風可乎。人有重身九月而瘖。產訖即語。又謂之風可乎。審此。則三生飲主治。不與喜怒氣中相關者二。又妄云。或六脉沈伏。或指下浮盛。悉宜服之。夫此二脉。正有陰中陽中之分。正經謂之寒中熱中是也。若脉見沈急。顏青臉白。如懈如怠。此為寒中。治法則有天雄附子。例三建湯。星附湯之類是也。脉見浮洪而急。額赤臉赭。如醉如怒。此為熱中。治法則有防風獨活。例大小省風湯。紫豆湯之類是也。審此。則三生飲主治。不與寒中熱中雙關者三。又妄云。氣虛眩暈。悉有神功。然病人氣虛。致於

眩暈氣虛甚矣。儻經南星川烏生附一豁一耗。性命安在。審此則三生飲不與氣虛眩暈雙關者四。願之輕視人命。大槩若是。志寧無所刪修。其他可見。至於證後埋頭。又曰。但口開手撒。眼合遺尿聲。如鼾睡者。並難治療。若此立說。則五證中凡見一證。遽皆不治。此其可哉。按經言之。身虛急卒中。至五臟閉絕。脉道不通。氣不往來。譬如墮溺。不可與期。何則。口開者。心氣閉絕也。手撒者。脾氣閉絕也。眼合者。肝氣閉絕也。遺尿者。腎氣閉絕也。鼻鼾者。肺氣閉絕也。備此五者。始不可治。若見其一。猶當審餘證。詳餘脉。以施救療。蓋以初中眼合者多。痰

上鼻鼾者亦多。惟遺尿口開二證俱見。為惡。心為五臟之君主。腎為一身之根本。誠不可閉絕也。或謂願莫以此藥可主治外感風寒乎。若曰。外感風寒。施此馭劑。是猶統大軍捕竊盜。盜未就擒。已先耗庫廩。擾民庶。益見其不識病之淺深。藥之輕重也。志寧於願此第一方後。首立一段俚語。以為新人之耳目。喜人之聽信云。風中脉。則口眼喎。中府則支體廢。中藏則性命危。繼云。凡中府脉浮而數。宜以星附湯熱服。汗出立差。未見其效。為如何。且是動輒發汗。兼亦未曉此湯於初中時投。還於風甦後肢體廢而投也。甦後投之。而星附湯一汗立

差其竒效如此。古人各多載其方。俱不載其竒。幸見於今日。然歟否歟。愚竊詳中風一疾。誠為可畏。諸書皆號為百病長。人多不謹而中之。僵仆倒地。風性卒也。痰涎潮鳴。風性激也。手足搐掣。風性動也。牙關噤閉。風性緊也。頭脊反張。風性急也。精神昏迷。風性毒也。其有上項病證。一時蜂起。極為困篤。倉猝之間。藥不可入。世多傳以蘇合香圓。擦啓牙關。或以生半夏皂角為末。吹入鼻竅。或灌以陳霜梅汁。酸收其痰。或灌以真麻油。調麝香。疏通其氣。又有主多用麝香煎五積散。為之兼行要藥者。倘或不然。殆見風氣益增壅鬱。祕文有肝木達而

風氣散之。玄旨者在是。更詳志寧云。汗出立差之說。亦未可聽。考之軒帝正經風論。分別肝心脾肺腎五藏風證。皆云有汗。大腸小腸膀胱三焦與膽五府皆無中風之證。惟胃之一府有之。其證亦頸多汗。又安敢輕用發汗。求其立差。愚已詳著于擬進太平惠民和劑類例之中矣。志寧於方尾復云。今人見中風昏塞。雜進至寶丹靈寶丹。殊不知陽證可用至寶。陰證可用靈寶。言之亦若有識。細考二丹用藥。叙證無非為熱極生風而製也。未見其明分陰證陽證用。志寧既聞有陰證陽證之分。何不與頤分六脉沈伏。與或指下浮盛。別其陰陽。却

盧氏續後集卷之一
例主星附湯發其汗立差也。愚老矣經事久多聞
多見至寶靈寶可長於省風而不長於起廢。莫若
大聖一粒金丹祕傳金汞靈丹之兼功也。其口眼
喎斜者乃是邪氣中人。邪氣反緩正氣反急。正氣
引邪故為喎僻。宜以草麻研膏塗手心中。置銀盃
於草麻上。注以熱湯。口眼即正。洗去草麻。右喎左
引左喎右引。却不可不知。有若婦人新產中風。名
曰蓐風。宜以荆芥一味新瓦上焙乾為末。溫酒或
豆淋酒調服。甚而角弓反張亦能作效。古人祕惜
其方。尚名為舉卿古拜散。蓋舉卿荆字古拜芥字。
妙可見矣。因併著之。吁去聖愈遠。大道將墜。世醫

類以易簡為師。俚語為友。凡見手足有患。咸指為
風。聞見因循。不救者衆。未易枚舉。昨何侍郎有女
適夫。夫既早世矣。女患十指拳攣。掌垂莫舉。膚體
瘡瘍粟然。湯劑雜進。飲食頓減。幾於半載。愚適
與診之。則非風也。乃憂愁悲哀所致。爾衆嗤其為
臆度。愚舉祕文明之曰。神傷於思慮。則肉脫。意傷
於憂愁。則支廢。魂傷於悲哀。則筋攣。魄傷於喜樂。
則皮槁。志傷於盛怒。則腰脊難以俛仰。今之證。支
廢而筋攣。病屬內。非因外也。於是料內因藥。仍以
鹿角膠輩。多用麝香熬膏。貼痿垂處。漸而掌能舉。
指能伸。又一貴人為臺官。臂痛牽緊。多曰風成。或

曰飲注。愚診其脉濡而來反急。明其為濕。以蒼朮附子各等分。木香四分之一。薑煎帛蓋。屋上露星一病。次日重湯煖服之。數日奏功。而其病果因廬墓受濕而得。又一貴人右臂腫重。莫能運舉。諸醫環議。因作風治。亦將旬矣。愚診訖對衆曰。三十六風。二十四風。悉無腫證。乃濕耳。坐中有後輩強聒曰。濕何能腫重而拘攣也。徐悟之曰。正經云。因於濕。有如裏濕熱不攘。大筋緜短。小筋弛長。緜短為拘。弛長為痿。故使之然。中有醫僧欣然起曰。老先生學博識遠。願請教。合用何劑。愚云。不必好異。只局方防己黃芪湯足矣。僧大喜。急治兩劑。併滓為

三進之。夜半小便一行。次早貼然如故。又吾鄉高府一子弟。忽患兩足拳攣連腰。疼楚徹骨。脉弦緊盛。此證兩感寒多於風。只投百一選方養腎散。隨應。又一貴人乙未歲。省闈出院。患右臂一邊腫重。不舉。尤甚。實齋王先生轉委診視。既腫且重。脉反緩濡。亦脾經中濕。供漢附湯。其門下有一武人。姓李。媚竈自是。執為風治。進蜈蚣等藥。不與病對。竟莫能起。此等蛇虺之徒。養之於平時。戕之於緩急。何濟吾事。醫非嘗試之術也。生平更歷如此類者。甚衆。姑摭其略言之。不幸而有疾者。勿以先入為主。

薑附湯。今亦顯載于局方。附子皆云生用。斷斷不易。凡世之倚傍聖教。層淺稱醫者。視為日用常行。何顧與志寧亦各不曾過目。一誤一從。悉云熟用。然生之與熟。大相遼絕。利害所關。是不學之誤一也。其方仲景二出。用乾薑壹兩。附子壹枚。生去皮臍。然附子縱重壹兩。去皮臍。已不等分。况有不重壹兩者乎。兼其方載乾薑既為主治之君。在附子之上。已知其不責附子之等分也。顧不獨不載生用。却載二味各壹兩。是不學之誤二也。本方只主治傷寒經汗下已之後。晝日煩躁不得眠。顧落不得眠三字志寧不與夜而安靜。不嘔不渴。無表證。身無大熱。脉

候沈微。仲景見其晝雖煩躁。夜已安靜。不嘔不渴。表證已無。脉候沈微。慮變為陰極之證。故處乾薑引其陽。行其脉。生附逐其元傷之寒邪。顧指炮熟為用。邪可去乎。是不學之誤三也。顧至於本方服餌法後。引仲景分脉為證。復反不遵。仲景本法云脉候沈微。却云六脉沈伏。伏脉按之微。骨不足。舉之無有。微脉極細而軟。手下若有若無。王叔和分別二脉者。正以各有主病。今指微為伏。是不學之誤四也。又云易熟附為生。名白通湯。治傷寒下利。是不學之大誤五也。竊詳傷寒下利。仲景立二十四法。朱肱分為二十五條。各隨其兼見之證。各著

其對病之方。有與猪苓湯者。有與生薑瀉心湯者。有與猪膚湯者。有與甘草瀉心湯者。有與大柴胡湯者。有與四逆湯者。有與當歸四逆湯者。有與通脈四逆湯。桃花湯。真武湯。白頭翁湯。梔子豉湯。小青龍加荑花湯。五苓散。桂枝人參湯。十棗湯。葛根黃芩湯。赤石脂禹餘糧湯。大承氣等湯之不一。惟有少陰病下利脈微一證始屬白通湯耳。顧但欲合易簡之名。不分脈證。只以傷寒下利四字總包之。白通湯一藥總治之。只此誤自有一十九證。非獨五也。不知自慶元丙辰。至淳祐辛丑。凡有易簡。摸其病套其方。投其藥。變壞暗殺幾人。茲志寧不

與增修。復從其誤。使人重信。則必自淳祐辛丑。傳十辛丑。寢寢不已。又復殺人無已時矣。痛哉痛哉。更詳陳之。啓發其昧。仲景一百一十三方。用附子者二十一。熟用者十有三。必佐麻黃桂枝大黃黃連黃芩細辛輩。生用者八。薑附湯。四逆湯。白通湯。白通猪膽湯。通脈四逆湯。通脈四逆加猪膽湯。四逆人參湯。茯苓四逆湯是也。必方方皆用乾薑為正。未聞用熟附佐乾薑也。學不造此。則將何以語湯劑。瘳民瘼耶。

五積散 治療局方載之甚詳。愚既力排養胃湯非發汗劑。嘗借是散加葱豉煎以代麻黃湯。加芎芷同

煎以代桂枝湯為不識者對證用雖然若太陽經傷寒證具而兼喘者當正行麻黃而不可代若太陽經傷風證具而兼煩者當正行桂枝尤不可代此不可不深知也若能審養胃湯中所載初病初藥而更審此兩證施用得當不為壞病則仲景三百九十七法一百一十三方皆可掩卷有若良將之善用先鋒而後軍屯師百萬皆可按堵而顧泛舉是散云或為寒濕所搏一身凜然急用此藥如服養胃湯法以被蓋覆令汗出愈思之一身凜然苟屬在陰證其可汗乎况只凜然別無頭痛發熱體疼無汗惡寒等證何苦動輒急發其汗以速後

患誠不可也顧又舉治痲癩癩痕小腸氣痛加炒茱萸半錢茴香一字鹽少許同煎局方亦載併治膀胱等病加煨生薑鹽少許同煎若是膀胱小腸氣痛為可施若痲癩癩痕各有其形男為七疝女為痲癩未易輕散治法各不同顧亦嘗竊聞無擇先生於是散去麻黃加附子川烏南星木香阿膠杏仁名催生湯顧輒單舉是散醋煎為催生用且於芎歸湯後又載是湯以堅其繆是乃廢無擇先生之增損法也顧若欲簡而易辨世有傳烏金散只用百草霜白芷等分為末每二錢童子小便醋各少許調更以熱湯化服以防萬一治橫生難產

兼治胞衣惡物不下、臍腹痛、腰腿重。此藥能救子
母性命於頃刻間。催生藥多。此方極捷。志寧述舉
五積為下腹中死胎。然而胎死腹中。救急如救焚。
設不取烏金散。局有成見。黑神散大聖散。兼倉猝
可需。且係產科正藥。非出杜撰。兼有蒲黃黑神散。
可治胎死腹中。四肢冷。口出沫。爪甲青黑。溫酒調
服。須臾胎暖自下。何必舉此擔閣之劑。顧又云。產
後發熱。或往來寒熱。不問風寒。均可治療。繼而連
文用醋煎。夫產後感冒風寒。醋煎可乎。產後血虛
發熱。醋煎又可乎。投之一劑。利害匪輕。識者宜謹
擇之。胎前產後之詳。愚嘗載于和劑類例之中矣。

柴胡湯

合明載作小柴胡湯。蓋緣有大柴胡湯之別
也。其方仲景叙證本治傷寒溫熱病。夫溫熱病者。
乃冬傷於寒。不即為病。寒毒藏於巨腦之下。風府
之間。至春暖發為溫病。夏暑發為熱病。各有治法。
顧以溫病為溫疫。治法却大有異。此眼前事。志寧
亦不與修訂。使其名正用便。一失也。顧云。治傷寒
勞復。仲景自分條有三。其一出大病差後勞復。枳
實梔子湯。二出傷寒差已後更復熱。小柴胡湯。三
出脈浮以汗解。脈沈以下解。是未易不以脈證分
而以一藥治也。孫不與增一病對一法。二失也。又
云。婦人熱入血室。然而仲景分條亦三。一出陽明

病下血讞語。此為熱入血室。但頭有汗。刺期門得汗愈。二出婦人太陽經中風。七八日續得寒熱。發作有時。經水適斷。此為熱入血室。其血必結。小柴胡湯。其三出婦人太陽經中風。發熱惡寒。經水適來。得之七八日。熱除而脈遲。身涼。胃脇下痛。如結。胃狀讞語者。刺期門。仲景因有讞語不讞語。經水適來與適斷。而對證施救。孫不與分。使其當刺。當汗當下。令其明白。三失也。至於引仲景加減法。尤暗有誤。心下悸。小便不利。去黃芩。加茯苓。願漏去小便不利四字。然茯苓因小便不利而加。若小便如常。何加之有。此又誤中之誤者一。胃中煩而渴。

去半夏。加人參。枯樓根。只云加枯樓。不云根。且不加人參。此誤中之誤者二。咳嗽者。去人參。并棗。加五味子。乾薑。不云去人參。只云去棗。又云。或六七日。目中不了了。睛不和。無表裏證。大便難。身微熱者。急下之。宜大承氣湯。大柴胡湯。仲景以病急用急劑也。願棄急效大承氣湯。且欲弄巧稱能。只於小柴胡湯。去人參。甘草。加枳實半兩。大黃一兩。芍藥三分。名大柴胡湯。考其分兩。尤誤中之大誤者三。若依願方。以柴胡二兩為率。較之仲景祖方。柴胡八兩。則是料四分之一。祖方枳實八枚。分之為四。合用二枚。反用半兩。未聞枳實一枚重二錢半。

者。大黃祖方用二兩。分之為四。合用半兩。反用一兩。此誤中之大誤者四矣。不知志寧所增修者何事。志寧自恃專司命之權。脅誘公卿之重名。鉞于梓板。以華其傳。吐寫庸盲之厲氣。播諸縉紳。以虛其譽。此其可哉。不減昔人執利器。整貴人容。干貴人事。是時貴人烏得而不強從也。

真武湯 仲景云。主治有二。一以治太陽病發汗。汗出不解。其人心下悸。頭眩。身瞤動振。振欲擗地者。仲景謂汗多亡陽而然。顧叙證反云。此由渴後飲水。停留中晚所致。兼上項證。只是經汗不解。顧自添一下字。作經汗下不解。一誤。仲景一出治傷寒二

三日不已。至四五日。腹痛。小便不利。四肢沈重。疼痛。自下利者。仲景謂此證有水氣而然。顧反不云。因有水氣。二誤。又落却小便不利四字。三誤。仲景審證。知四肢沈重疼痛。乃水性沈重。故痛亦沈重。顧落却沈重緊要兩字。四誤。仲景云。自下利。顧反作大便自利。大便自利。則是大便如常。流利。未為清切。自下利。即是小便不利。因為自下利。此正如不因醫家藥發其汗。而自有汗類也。五誤。及其述仲景加減法。小便已利者。去茯苓。見得元有。小便不利。一證。下利者。去芍藥。加乾薑。見得係是自下利。不是大便如常自利。嘔者。去附子。加生薑。顧不

盧氏經傳集卷之一
云去附子。只云每服加生薑五片。只加減中。又成
四誤。志寧懵然莫曉。增不增。修不修。驀地於是方
後。捨去論傷寒證治。白入野說。以表有學。濫云今
人每見寒熱。多用地黃當歸鹿茸輩。補益精血。殊
不知藥味多甘。却成戀膈。詳前三品。誠未為甘。若
製為圓。又何戀膈。况夫物性有盡制。而用之。將使
無盡物。用有窮。變而通之。將使無窮。志寧何爾。執
一而廢百也。繼又呆曰。若脾胃大段充實。方能滋
養。然猶恐因時致傷胃氣。胃為倉廩之官。受水穀
之處。此十字自軒帝正經傳之。古今只曰倉廩之
官。水穀之海。經又曰。腸胃為市。益言其無所不納。

處之一字。皆道聽塗說來。更詳脾胃大段充實之
人。精血自旺。何假藥餌滋養。脾胃既素充實。又如
何猶恐。因時致傷胃氣。况胃屬陽明。聖經中指為
至陽。能腐熟穀畜果菜。一切滋味。傳於脾。分於大
腸小腸。二便之下。其氣尚騰。何地黃當歸鹿茸。便
傷其胃氣。又呆曰。所謂精氣血氣。皆由穀氣而生。
此庸愚亦能知曉。何苦便斥用地黃等藥。未見其
為生血。而穀氣已先損矣。其說繆甚。茲特為詳而
陳之。無蹈志寧繆說。斥上品名藥。以沮絕後世之
滋養補益也。孫若斥其三品多甘。甘莫甘於甘草。
經方少有不用者。又甘莫甘於蜜。而補劑未嘗不

假以圓者。况稼穡作甘。黍穡稻粱麥稻秫。神農皆稱其甘。甘受和。脾喜甘。審此。未易以地黃當歸鹿茸而能傷胃氣也。若斥其三品能傷胃氣。不知如之何而傷也。傷胃氣者。惟穀畜果菜滋味過傷耳。經故曰。飲食自倍。腸胃乃傷。又曰。陰之所生。本在五味。陰之五官。傷在五味。又曰。得之則生。失之則死。傷之則病。審此。又未易云。地黃當歸鹿茸而能傷胃氣也。若斥地黃等藥傷穀氣。是又自道聽塗說中來。大凡人身胃。傷穀氣。欲其損。穀損斯能為精為血。不損則病。有如傷寒。差後多食。發為食復作熱。仲景治法。惟曰。損穀則愈。若斥三品。

不可為退寒熱治虛寒用。夫何本草地黃。則曰作湯除寒熱。當歸則曰虛冷人宜加而用之。鹿茸又如何能傷胃氣耶。志寧何見。併將神農亦為之毀。吁。大哉孔子。天縱將聖。刪詩定書。約禮明樂。繫易而修春秋。亦只述古人之意。不易妄作。志寧何人哉。乃敢以此罔世俗。地黃亦有可斥者。志寧却不能深究。地黃一品。雷公詔世。必以酒九蒸九曝而後用。否則有滯脾之禍。愚諄諄之告。惟祈衛生君子。生熟藥肆。當作子孫陰德。遵雷公製度。而志寧又引孫兆云。補腎不如補脾為證。莫若只以固陽湯調其寒熱。不致傷脾。是又捨胃而言脾也。且如

固陽湯即真武湯易其名不能調陰調陽如何分
寒分熱兼載其方分兩又成大誤本方白茯苓三
分白芍藥三分各計重七錢半白朮二分則重五
錢附子一枚炮去皮臍破作八片只用二片計之
未及重二錢許孫王云用茯苓芍藥各三分却合
元方則附子當用二錢孫王云用附子三分則附
子多用五錢半重謂之合法可乎凡此立說類皆
庸盲俚語耳只可一時坐中發為常談安可載于
卷冊永遠誤人也至於末後又極其繆曰若勞瘵
之疾已成無藥能療惟膏肓灸法最為效驗然或
傷晚亦恐不及其他證狀胃風湯逍遙散中具言
之勞瘵灸膏肓既傷乎晚胃風湯逍遙散可得而
入口乎志寧可謂不學無識之甚者

四逆湯亦顯載于和劑局方附子生用何亦各不過
目修合誤不如本方者尚且不可載方為永遠傳
其可誤乎至於加減乃妄引通脈四逆湯加減于
本方後又多脫落有如面赤者加連鬚葱白九莖
非獨欠莖數又且不云連鬚腹痛者去葱白加芍
藥不云去葱白只云加芍藥咽痛者加桔梗利止
脉不出者去桔梗加入參不依本法去桔梗只加
人參又成四誤差之毫釐繆以千里容可忽諸
附子湯本治風寒濕痺已未其善願泛引以兼治疲

極筋力氣虛倦怠遍體酸疼然此皆非風寒濕合
病應有之證况用生附為君高其分兩於氣虛倦
急人非所宜投一誤也又云去生附用熟附加乾
薑名八物湯却亦可治前項氣虛倦怠等證二誤
也既用熟附却不能療癱節風四肢疼痛如槌鍛
不可忍反主用之三誤也志寧不與刪修却於方
後續云大率風濕為患遽用麻黃發表之藥汗出
既多則腠理空虛便為偏廢之疾竊詳風濕為患
惟是風濕相搏發為肢體重疼難以轉側等證亦
濕性重著故也初無發熱頭痛惡寒等證兼見雖
醫之盲亦未無端輕用麻黃何其以己度人縱作

盲發其汗古書只用汗多風去濕不去肢體復重
痛之旨耳烏得便有偏廢之患生風濕相薄身疼
煩不能自轉側若不嘔不渴脉浮虛而濡者有桂
枝附子湯例桂枝二兩附子一枚半炮去皮甘草
一兩剉每服五錢匕水盞半生薑四片棗一箇煮
八分去滓溫服若有前項桂枝附子湯證悉具或
其人大便堅小便自利者有木附湯例白朮二兩
附子一箇甘草一兩炙剉每服五錢匕生薑五片
棗一枚水盞半煮七分去滓溫服日三服若有前
項病證汗出短氣小便不利惡風不欲去衣或身
微腫者有甘草附子湯例甘草一兩附子一枚炮

白朮一兩桂枝二兩身腫者加防風二兩悸氣小便不利者加茯苓一兩半剉碎每抄五錢匕水盪半煮七分去滓溫服微汗而解以其證汗出惡風故以桂枝為主病也其藥未辨宜以局方防已黃耆湯先進一二服其病亦解治濕不利小便非其治也故以防已為利小便之主病耳志寧之說駭人聽覽觀者審之

五苓散 孫舉主治陽明經傷寒發熱渴欲飲水小便不利及主治少陰病下利六七日欬而嘔渴心煩不得眠皆以猪苓湯妄云即五苓散去桂加滑石仲景即無陽明經傷寒發熱渴欲飲水之證只有

脈浮發熱渴欲飲水小便不利者猪苓湯其脈浮者乃太陽經傷寒即非屬陽明經脈此出證誤孫云猪苓湯即五苓散去桂加滑石合去桂并去白朮不云去朮只云去桂合加滑石阿膠只加滑石不加阿膠誤皆此甚傷暑中暑伏暑詳載類例中

縮脾飲 志寧尅去縮砂乾葛只用草果烏梅甘草三味全失名義此方乃以乾葛可解其熱烏梅甘草酸甘可生其津縮砂草菓以快其脾故名縮脾飲志寧尅其二味則將何以符縮脾之義無異士人試卷漏寫官題不足取也

滲濕湯 用蒼朮白朮甘草各一兩乾薑茯苓各二兩

丁香橘紅各一分。本治寒濕所傷，身重腰冷如坐水中，小便或澀或利，大便溏泄，皆因坐卧濕處，或因雨露所襲，或因汗衣裹冷濕，久久得之，腰下重痛，兩脚酸疼，頑以是湯，只剋去橘紅、丁香，名腎著湯，以治腰重而痛，却不剋去蒼朮，必犯腎惡燥之失。及引青娥圓類，以治腎虛腰疼，又引五積散，加桃仁煎，以治風寒相搏腰疼。愚因得以引神麴酒，以治閃著腰疼，其方用神麴如拳，大燒通赤，以好酒二盞，淬溫取服，仰卧片時即安，未效再服。四味理中圓，加澤瀉末半錢同煎，以治敗精墜腰腰疼。如神湯，用玄胡索、當歸、肉桂等分末之，每服三錢。

溫酒調下，甚者不過三服，治氣腰疼。立安圓，於局方神應圓內，加破故紙、桃仁、地膚子，併治五種腰疼。如諸藥未辨，只服局方神應圓，亦可為五種腰疼之備，非失科目也。腰疼前論後論，亦見類例。

降氣湯 合用前胡、厚朴、當歸、甘草各二兩，官桂三兩，紫蘇子熟半夏、陳橘紅各五兩，志寧只用橘紅三兩，已犯其誤。此方出千金，名紫蘇子湯。曩湘東王患脚氣，十年困篤，得此方遂安。近世明醫，知其所自者，故加宣瓜為用。然脚氣初發，早服亦可成功。若曰入腹攻胃衝心，畧難覲效。志寧舉此湯治脚氣入腹，大便秘難，燕養正丹溫利之。孫王但見說

盧氏續後集卷之一
廿七
黑錫水銀朱砂皆陰。硫黃獨陽。却不識。硫黃大熱。乃大陽之精。鬼焰居焉之品。加以見火。安有利性。投之何異抱薪。屢聞屢見。大凡脚氣入腹。大便必祕。當須通大府。而後三毒始衰。通之不得其方。故爾徒擾腸胃。而風寒濕蒸之毒。無從而除。反能乘虛。益入益攻。益深益重。是時局方。雖有三和湯。兼用大黃等劑。亦莫能應。留連變為奔上。絞通嘔吐。號啼。川方三將圓。最捷。用吳茱萸。宣木瓜。川大黃。細末。糊圓。菉豆大。每服五十圓。米飲下。未應。多加圓數。蓋茱萸木瓜。已是理脚氣要藥。又賴大黃。領而宣泄之。為至巧也。感重尚或未應。有減無增。不

守此圓。遽行別換它藥。不得其當。佇見毒勝。痰逆悶絕。喘急汗流。昏塞搐搦。咬齒上視。致垂死者。惟杉木節湯為至妙。用杉木節。斫碎一握。大腹子連皮。剪碎七箇。青橘葉剉碎一握。分二服。童子小便一小青椀。同煎絞汁半椀。服之。未通再服。其方出外臺及董汲總論。許氏本事等方。但庸醫識不透。棄而不用之。故志寧於此降氣湯後云。脚氣上攻入腹。胃膈逆滿。喘息自汗。及嘔吐腹臍堅硬。皆不可治。伎止此耳。皆是莫深識。杉木節湯與妙百發百中。垂死復生。但脚氣一疾。有足三陰三陽六經受病。而六經中。每經又有其三。而經中幸有邪中。

三陰其患必冷邪中三陽其患必熱之旨可為消
詳也前之所載藥證清切一棒一痕獨救陽明一
經殺人危急之篤耳餘經分治愚嘗載于和劑類
例之中外有濕脚氣一證始初甚微人皆認為內
外臙瘡治不合因漸重則中陷遽突者有之四傍
紫黯龜折者有之此毒已攻透外無服走肌克皮
毛等劑其瘡愈添愈開只宜以荷葉心藁本或甘
松煎湯淋洗收其濕拔其毒仍服宣麻飛步圓瘡
口自然漸斂不可以緊藥急收瘡口急合毒却上
攻為禍亦急瘡雖可惡却無入腹攻胃衝心之危
為可喜凡脚氣治之得法秋深壅疾已衰八九或

一二分微毒根存至冬為寒襲春為風襲季為濕
襲加之以蒸溽之氣蒸之勢必再作豪貴之家每
少安之後寧免無少放縱乾脚氣者有洪氏集驗
方菴蓉茸附圓例濕脚氣唯川方有**五獸三匱丹**
例其方用鹿茸酥炙麒麟竭即草虎脰骨解片酥
炙牛膝去根酒浸狗脊亦草根等分各修事為細
末以三匱圓料搜糊為圓如梧桐子大每服三五
十圓米飲或木瓜湯下無灰酒半盞許下亦得二
藥皆以降氣湯嚥之尤佳**三匱圓**以大附子一枚
生去皮臍旋中心空入細末辰砂一兩于內宜木
瓜一箇刺去心匱附子于內以餘旋下附子末蓋

附子口正坐於銀煖罐中重湯蒸十分爛附子斷
 白為度研為膏搜前五味圓屢傳貴家多效患不
 再發若無脚氣只手脚弱而無力者服之尤佳更
 以分脚氣之要言之風寒濕三毒各隨所喜而入
 風喜入肝病多在筋濕喜入脾病多在肉寒喜入
 腎病多在骨推類治之亦思過半矣吁願為良醫
 力學者當在乎致知致知當在乎格物物不格則
 知不至若曰只循世俗眾人耳聞目見謂之知君
 子謂之不知也

銀梓至此猶有持傷穀氣之說為問愚仰天嘆
 曰醫理難明抑至於是故歷舉固本全冲寶章
 以告之謂穀者養真之物冲和寓焉藥者攻邪
 之物慄悍出焉聖人析此益欲管鑰後世格全

冲和海以續資始之道穀入於口聚於胃胃為水
 穀之海胃喜穀而惡藥藥氣入胃不若穀氣之
 先達聖人載此蓋欲指南後世先保冲和以奉
 資生之道正其卒伍然後可以語兵革備其土
 木然後可以語隄防調其榮衛然後可以語湯
 劑聖人就此併以調榮衛言之蓋然後可以語
 清者為榮濁者為衛也吁胃氣本天賦穀氣從
 外來穀與地黃當歸鹿茸自是兩途初無七反
 畏惡避忌何為而能傷穀氣耶此語
 只可曉問者未能覺來世故

續易簡方論後集卷之一

續易簡方論後集卷之二

永嘉砥鏡老人盧蘇祖常纂次

四物湯

品味治療備見和劑不知近世何事謂其性涼又謂滯脾然此湯益衝任滋氣血為婦人要藥不明其要妄肆臆說亦由囂薄採賣之家不曾依法用酒九蒸九曝地黄此一藥生者性平宜熟者性溫補製不如法祇見無益若蒸數遍足決然成功月水不調服之可調臍腹疴痛服之止痛血癥氣瘕服之可定姙娠胎動服之可安寒熱時作服之可瘥全在是湯增減為祖具載于右第一安胎為急如膠艾湯合於是湯每服加阿膠一片艾十

盧氏續後集卷之二
葉甘草少許。願與志寧於三味之外。又加乾薑黃
芪。加黃芪倍地黃者有之。若加乾薑。愚却未見所
出。宜審而用。蓋恐有犯周鼎所集產前藥食禁忌
損胎之戒。其歌尾兩句曰。乾薑蒜雞并鴨子。驢馬
兔肉不須供。蓋明言乾薑矣。疑事莫做。一方於膠
艾湯。加野苧根。入金銀煎。名安胎飲。尤妙且穩。請
更言其妙者。有野苧湯。只野苧根二兩。剉炒。金銀
各一兩許。為一劑。水酒各一大盞。煎耗半。去滓。分
兩服。溫進。不以時。專治產前無故下血。腹痛不可
忍。或下黃汁如漆。如小豆汁者。推類可見。若因閃
胸。攔撲。胎動欲漏。編砂和皮炒。令熱透。為末。每二

錢溫酒調下。鹽湯亦得。又有胎動日夜叫呼。口噤
唇青者。熟艾一兩。酒四盞。煎耗半分。服。擊口灌之。
儘可輕重分例。願云。大率產後不問去血多少。須
日進黑神散三服。下血少者。以大聖散間之。二臘
後。腹無疼痛。方可服四物湯。當歸建中湯。早服。必
補。往惡血為害不淺。如黑神散。服一二日。惡露自
順。安可。二臘內日進三服。昨有永嘉法曹司馬。速
坐倉受納閣中。分免。亟贖黑神散三貼。付婦與服。
闕去血稍多。進第二服。其血如傾。扶策登床。耳聞
如鼓聲者。數百。二三婢重手按其頭。定其髮。愚亟
治。當歸鹿茸二物湯。夜以繼日。而鼓聲漸遠。半月

平復則知黑神散亦未易猛進也。願與志寧全不曉藥性。建中湯有官桂。能宣導百藥。尚能墮胎。豈不能行敗血。當歸能破惡血。養新血。如何補住敗血為害。若按當歸建中湯所載。產訖直至滿月。每日三服。令人丁壯。更按產後將護法云。百晬當常服當歸。圓當歸。建中湯。四順理中圓。日各一服。以養藏氣。補血脈。二說昭若日星。正合古人有產前安胎四物湯。產後補益建中湯之法。志寧雖庸。觀此得不皇恐無地可入。愚授川方蒲黃黑神散。勝祖方。又以救產後十八疾之急。其方用生熟乾地黃共一兩半。熟者須是自蒸九遍。或二十餘遍。如

黑角色。不可經冷水。增秤一兩。生者乾秤半兩。當歸酒浸半日。秤焙取一兩一分。肉桂去麁皮一兩一分。不見火乾。薑炮一兩一分。白芍藥一兩。甘草炙一兩。真蒲黃白紙襯炒一兩。附子炮二錢。黑豆一兩半。炒去皮。十味為細末。每服三錢匕。產後血少。並用小便調下。若胎死腹中。四肢冷。口出沫。爪甲青黑。溫酒調服。須臾胎煖自下。若胎衣不下。及衣帶斷者。但服此藥。逐出血。即下。若是血暈。醫者不識。呼為暗風。服此藥愈。若口乾痞悶。醫者不識。呼為心隔不快。服此藥愈。若乍寒乍熱。醫者不識。呼為癰疾。服此藥愈。若四肢浮腫。醫者不識。呼為

盧氏續集卷之二
水氣服此藥愈。若月內不語，加獨活末半錢，溫酒調下。若水瀉不止，加乾薑末半錢，清米飲調下。若惡痢不止，濃煎罌粟殼湯調下。若徧身疼痛，加黃芪末半錢，溫酒調下。若血崩不止，炙艾一塊，如雞子大，煎濃湯調下。若嘔逆惡心，濃煎人參橘皮湯調下。若中風牽搐，加荊芥末半錢，仍煎荊芥湯下。若惡露兒枕，血塊刺痛，加玄胡索、京三稜各半錢，酒調下。若血渴不止，加蒲黃煎葛根湯調下。若心腹刺痛，加玄胡索末半錢，溫酒調下。若咳嗽微微汗出，加人參、白朮末各半錢，生薑湯調下。若小便出血，及不出，加琥珀末半錢，煎木通湯下。若畧鼻

衄，煎茅花根湯調下。但胎前數證，人多不曉，因得以附。若孕婦心驚膽懾，多好煩悶，其證鬱冒，其脉微弱，嘔不能食，大便反堅，或多汗出，名曰子煩。宜紫蘇子、大麻子，研極細，水解，汙煮粥，啜之，使大便和，而煩自去矣。若孕婦胎氣不和，懷妊逼上，脹滿脹痛，名曰子懸。宜人參、大腹皮、川芎、陳橘、紅、白芍藥各半兩，紫蘇莖葉一兩，當歸三分，甘草炙一分，呋咀，每服五錢，水盞半，生薑四片，葱白七寸，煎七分，去滓，空心服，使氣順而胎自不逼上矣。若孕婦兩腳腫滿，俗名皺脚，若遍身腫滿，腹肚懸急，名曰胎水。二證不必施治，分免後自然平復。

食積易
簡作傷
食

惺惺散 乃閻孝忠載于錢氏方之卷外謂小兒壯熱昏睡傷風風熱瘡疹傷食皆相似未能辨認間服升麻葛根湯惺惺散小柴胡湯甚驗蓋此數藥通治之不致誤也惟傷食則大便酸臭不消化畏食或吐食宜以藥下之乃不載藥顧妄引孝忠所述為錢氏說謂小兒壯熱昏睡傷風風熱瘡疹食積皆相似未能辨認間服惺惺散小柴胡湯升麻湯已落葛根二字數藥俱能治療謂參蘘飲治諸般發熱志寧從而和之又云不問何證每每用之甚效須逐日多服以熱退為期不可遽止其說甚切愚觀此段大為愕然定而思之顧錯指孝忠所述為錢氏

述此亦少事至於錯指惺惺散升麻湯小柴胡湯總治傷食却屬大害暗斃小兒原孝忠立論深慮傷食壯熱昏睡與傷風風熱瘡疹等病皆相似特舉大便酸臭不消化畏食或吐食以備未能辨認之辨認可謂深切著明志寧不識文理貫串白白截作兩段至以惺惺散三藥為可治傷食也志寧襲用參蘘飲以代惺惺散三藥令須逐日多服俟以熱退為期者尤不可不辨夫發熱一證能蒸中外耗榮衛消肌肉變顏色豈宜久留逐日多進俟其熱退小兒藏府柔弱雖金鑄鐵成亦難禁受且既舉大便酸臭畏食或吐食辨傷食證何不明言

雖壯熱而怕風啼煩辨傷風證對惺惺散人參菴
 活散類甲又何不明言雖壯熱而畏寒丁人就煖辨
 傷寒證對解肌湯和氣飲類甲又何不明言耳冷尻
 冷辨瘡疹證對升麻葛根湯消毒飲紫草木通湯
 類甲瘡疹有手足冷丁熱丁或面赤丁或咳嗽丁或瀉丁或
甲善嚏丁或驚悸等證然他病亦有此等證相類惟
 以耳冷尻冷為清切兼瘡疹中有咽痛一證亦病家慮如聖
 湯效遲於內加山豆根同煎極捷更其中有熱甚
 作搐莫認為風醫若兼見大便秘難當用大黃類
 通之否則紫霜圓以應服湯劑送下傷食一證孝
 忠不出藥只進食圓感應圓暑熱月量以五苓散
 燕冷月淡薑湯下明醫更斟酌湯使碩與志寧引

參蘇飲治前四熱然小兒患傷風傷寒食積瘡疹
 與夫變蒸疳熱骨蒸驚風風痰九證皆能作熱參
 蘇飲中有木香不知古今湯散有何類例可引也
 兒醫之難尤不可嘗試孫與王學淺見疎輕易舉
 方而無分別愚之瘡疹詳論見于和劑類例之中
 理中湯專理中焦功用尤妙非達性命之造化者不
 能明三焦非探人身之造化者不能治三焦碩與
 志寧叙方首言太甜甘草減半次言若料作治中
 湯則不必用青皮却舉治傷寒不應下而下早熱
 氣乘虛而入因成結胃欲絕及諸吐利後心膈高
 起手不可近加枳實茯苓名枳實理中湯以治之

竊詳心胃結硬按之痛為結胃按之不痛為痞安
 有胃痞急痛手不可近者乎是知一而不知二也
 至於婦人產後四順理中圓碩與志寧亦皆不曉
 妄謂其甘草多復用蜜圓恐反損脾不若用減甘
 草理中湯煎服之然古人製方深意用甘草倍薑
 朮者蓋以婦人新產之後去血多藏府燥故特倍
 甘草同蜜潤其府藏倍其力氣堅其筋骨長其肌
 膚此主療本於神農立方起於伊尹逮今幾千年
 而孫與王輒欲用減甘草理中湯耶服者或僥倖
 一時之效恐未出月而為渴為燥為癥為瘕當不
 免矣

平胃散

亘古至今富貴貧賤老幼男女皆知其名皆

餌是藥本方治療亦衆博濟方加減主治亦多惟

余知府方精修得其傳服餌得其效謹錄于后

梓朴

去麤皮剪作散子塊每朴一兩用生薑二兩

看攪如前久浸三日第四日澆出入鍋內先

猛火炒一飯久乘熱投薑汁並令透乾了

再同慢火炒一飯久乘熱投薑汁並令透乾了

後取一塊擘開看內中油盡酥脆又透心乾

陳皮

取一裹先揀去粗皮及青者只用一片洗

淨再換水浸將薄刀起去內白不可久浸恐

皮一重其餘皮旋入水洗去白不可久浸恐

蒼朮

先用溫水洗了薄切片子焙三日候

內續易
 齒元作心
 或今從
 續易簡

火煨炒兩飯久候油出盡方取出不
住攪不要焦用削水尤妙右秤五兩

甘草擘開濕紙裹煨令香熟不要
焦取出細剉右秤一兩五錢

右藥炒了乘燥便秤入碾並不得停放如未碾亦
未可炒仍先將厚朴下碾次下水取細末將及一
半覺潤又入鍋微炒再入碾方下橘皮甘草同碾
羅取末此後更不可炒取末盡了更將藥裏同合
碾入新磁罐子內密蓋收取每服二大錢薑棗煎
熱服沸湯入鹽點服亦得此藥香味迥別服之數
日自覺噫氣分泄食飲有味若覺微渴可頓進久
之自不渴惟在服之不輟

感應圓 頤易簡云每用見成者半兩加巴豆二十枚

元無二
字据易
補

去殼不去油其感應圓一料連油蠟重一十六兩
若半兩加十枚總而計之當加三百二十枚更本
方七十枚即三百九十枚非獨用多且不去油并
心膜之毒此誠不可輕信服之投之自胎其禍也
志寧不與刪修反從而和之曰本方巴豆去油取
霜蓋取其穩當然未必療病若通醫用之必不去
油且云此藥自是驅逐腸胃間飲積之劑非稍加
毒性安能有蕩滌之功且夫積飲未嘗積於腸胃
之間多見停於中脘癖於季脅也且如又云服之
利後大腑不調或泄不止或愈見絞痛則以家菖
蒲煎湯解之據孫所舉明知已犯巴豆毒用菖蒲

解。孫與王何必打此險譚。解之不透。將如之何。又云。菖蒲煎湯解後。却於吐咀方中。選藥調之。吐咀方甚衆。不知選那一方為的用。可謂管窺天。蠡測海。謂如伏梁一疾。乃五積中一積氣病也。其證有形。宜若可攻。軒帝只特告以亟動勿奪。息積一疾。亦五積中一積氣病也。證亦有形。疑若可毒。軒帝只特告以積為導引。是皆懼其藥性過悍。攻之毒之。不當反擾本元。安可自任暴猛之見。不循古訓。肆為驅逐蕩滌也。甚而敢曰。婦人有妊。忽覺心腹撮痛。嘔吐惡心。百藥不效者。宜以薑湯下六七十圓。婦人所畏者。吐九圓子藥。內犯巴豆。有吞之到

膈未下者。便能惱人作吐。一劑六七十圓。巴豆不去油。不去心。不去膜。何術免其毒。止其吐。更藥不隨吐出。及其入胃。大為擾攘。蕩滌洞泄。是時子母二命係焉。烏保無失。志寧略不思。巴豆有爛胎之性。吁。治療飲積氣積。驅逐蕩滌四字。亦難輕發。驅逐蕩滌一藥。委難用也。

斷下湯。出易簡。每服用大甕粟殼一十四枚。去筋膜。并萼蒂剪碎。以醋淹炒燥。為麤末。草果連皮一箇。白朮茯苓各一錢。云治下痢赤白。不問久近。長幼。仍譽之曰。九甕粟治痢。服之其效如神。且曰。粟殼非比麻黃之表散寒邪。大黃之蕩滌蘊熱。必欲其

一錢下
據易簡
當補甘
草半錢
四字

盧氏續集卷之二
與脉證相參，決是何證，方可服之。是又譽粟殼治痢不可捨，無痢不總治，是何言歟。八痢莫辨可乎。却於後救其失，曰：如服粟殼之後，覺有惡心，却以理中湯四君子湯加肉豆蔻木香輩調其胃氣，仍以二陳湯水煮半夏圓定其嘔逆，反反覆覆無非以藥試病耳。若理中湯四君子湯加味調胃氣調之不住，計將若何。以二陳湯水煮半夏圓定其嘔逆，一圓一湯皆有半夏為君，半夏之性生則令人吐，熟則令人下，未見定其嘔逆於痢，又將若何。於後纔招伏曰：治痢之門不一，切須審諦，何其悔之晚也。竊詳粟殼神農經不載，乃後續添，只載其實

之子作嬰子粟出條，亦不載治療。惟云：主丹石發動，不下食，和竹瀝煮作粥食之為佳。雷公亦不載殼，只云：子性寒，利大小便，不可多食。食過度則動膀胱氣，衍義亦只說和蜜研為粟子湯。服丹石人宜飲，皆表其性寒能解丹石之熱。子性既寒，殼亦宜其寒矣。往往後世好藥道流，見其味甘辛，性無毒，學神農志嘗其殼，溢精加想象，可以斂肺氣，解熱嗽，偶爾有中復臆度肺為藏，大腸為府，一表一裏相為貫通，漸處以解熱痢，亦或有中，故爾流傳于世，施之治痢，修事去蓋膜，慮其寒甚也。製度炙以醋助其酸收也，豈宜執一說，殫一用，竊詳痢之

為疾治各有要茲略顯而言之積滯下膿血例局
有不二圓纏金丹皆犯砒礪雖曰蠟匱萬一無積
亦非所宜若貧民下戶藜藿之腸何積之重鋪家
罕合人亦罕用從穩只以高殿前真方感應圓膩
粉衮衣淡薑飲下三四十圓量其輕重增加圓數
自可收功非因積滯下膿血只因冷熱不調例局
有木香黃連圓駐車圓賴乾薑黃連分其冷熱當
歸活其氣血阿膠滋其腸胃若下痢赤白例雖與
下痢膿血相類但赤白者色明膿血者色昏局方
有黃連阿膠圓治療相去不遠此因冷熱不調之
輕重耳痢下純血例局有地榆散其方既用地榆

又用黃芩復用粟殼恐枳殼一味制伏未穩近世
借小柴胡湯以治之蓋以其中有黃芩能療胃中
熱腸澀洩痢也秘方又有斷下散用熟地黃川芎
當歸赤芍藥黃連槐花炒粟殼去項膜微炒為麤
末每服三錢水盞半粟米一撮煎八分去滓溫服
此方雖用粟殼以其前四味類婦人四物湯但芍
藥赤耳亦先活其氣血黃連肥腸厚胃槐花解熱
粟殼從其類故不責也有受風濕痢下如豆汁例
局有胃風湯若借治脾受濕氣泄利不止戊己圓
為用亦可秘方胃風湯用防風半兩芍藥二兩茯苓
苓二兩官桂羌活各半兩甘草炙一分每服三錢

入荆芥五小穗水一盞煎七分稍熱服觀其藥性合其藥名參其病因有治風品用果多效痢下純白例局有鍾乳建脾圓訶黎勒圓若用震靈丹以助之為佳惟其純白痢皆無裏急後重之證設有腹痛只屬虛寒初非積滯與冷熱相勝致痛亦非新穀與舊穀相搏致痛為可疑更脉息虛微神思倦乏尤當重劑若赤白或膿血為痢諸證裏急後重病人皆不耐煩因思本草艾葉條下載患痢之人後分寒熱急痛和蠟并訶子燒熏神驗用之果然亦助治痢之一妙也若不因粟穀禁口痢局有敗毒散加陳倉米百粒同煎服益有熱停胃口也

外有蠱痢下瘀血局方無例祕方有羚羊角圓用黃連去鬚一兩羚羊角末黃蘗各半兩白茯苓二錢半細末煉蜜圓梧桐子大米飲下二三十圓日三服未效加圓數此圓治蠱痢及腹中痛有膿血下者益以羚羊角能辟蠱毒去惡血注下也諸方皆不逃治痢之圍範其詳愚已載于和劑類例之中矣

四獸飲即四君子湯加草果半夏橘紅各等分獨甘草減半治五藏氣虛喜怒不節勞逸兼并致陰陽相勝結聚涎飲與衛氣相搏發為瘡疾者功却可擬云兼治瘡瘡最有神效則不可觀且瘡之為疾

內經答問詳盡義理深長後世棄而不讀置而不究惟持無痰不成瘡為要說傳習砒黃和豆粉為圓衣以礬紅或用砒黃和雄黃為圓衣以青黛謂之瘡丹或以恒山一味為君名為瘡藥才得其傳類稱奇貨自謂學成伎足不問虛實槩行施治偶與痰瘡相投可劫其效若本脾虛氣弱之人瘡不因痰而成投之一經剝吐精源髓海倒流逆動非獨病勢增重不知幾日可以調理平復婦人所畏者吐尤難遽投且瘡之為患外證無非寒熱往來交作三尺之童亦識其名蓋有以綿裹藥塞其耳而效者有男緋女綠帛繫其腕而效者或肆博戲

而不來者或遠彈閃而免發者或面北咀挑枝頭七箇冷水嚙下而已者或有灸三椎骨兩傍各一寸而安者或有啖小生茄子三五枚而愈者老醫畏其無定呼為耍疾正以其疾所感多因鄉之相傳尋常療瘡以二陳湯加草果治痰瘡以生料平胃飲嚙紅圓子治食瘡以理中湯加草果半夏或添加附子以治脾寒瘡或以五苓散嚙真方消暑圓治暑瘡或以川烏七棗湯治風瘡以養榮湯藥令建中湯治虛勞瘡或以肉豆蔻草果各兩枚一煨一生厚朴二寸二片一薑汁塗灸一片生甘草二寸一寸炙一寸生薑二塊栗子大一煨一生

盧氏續後集卷之二
合為一處。剉成麤散，分作二服。水盞半煎八分。當發日五更初進二服。忌葷腥。治久瘡脾胃日衰。名生熟飲。未效。附子七棗湯。或以人參建中湯。不用薑棗。煮只作生料。添草果。大銚多煎。日飲數盞。以敵諸瘡。富貴之家。各喜其穩。奏效亦多。却亦無失。愚癖於論醫。每惡人以粟殼地榆治痢。以恒山砒黃治瘡。然粟殼恒山亦是瘡痢家一藥。但以粟殼輩投二三服。或到膈戀而不下。或下而入胃。收之不止。反閉胃口。而生飲食吐逆之變。漸成禁口。恒山輩投二三劑。剥之不去。吐耗真氣。而有寒熱纏綿之咎。因成勞瘁。愚昔曾得川僧祕授一常山飲

用恒山木通秦艽穿山甲醋炙各一分。辰砂半字。別研甘草炙一錢。右為麤末。作一劑。水三盞。烏梅棗子各七枚。煎減半。再入酒一盞。煎至一盞。去滓。發日侵晨。先刮沈底辰砂。食次剥喫棗子數枚。却服藥。堪治諸瘡。勞瘡。虛人老人皆可服。凡用恒山。無如此一方。屢投屢效。不吐不剥。如病家欲食物。但以一指大小投藥中同煎。服藥後食所同煎物。皆無害。愚由是釋是惡。破是戒。錄是方。為世濟。其不吐不剥。以穿山甲炙之以醋煎之。以酒有通行藥性。不可形容之大功。外論瘡證治之詳。愚嘗著于和劑類例之中矣。

杏子湯用人參半夏茯苓細辛乾薑甘草官桂芍藥
 五味子九品治一切咳嗽不問外感風寒內傷生
 冷及虛勞咯血痰飲停積悉皆治之若曰外感微
 風微寒致嗽以品內有細辛乾薑官桂却合辛甘
 發散為陽之品為可取也處用甚穩尤宜用於年
 高怯弱豪貴之人若曰主治內傷生冷致嗽功在
 何品而虛勞咯血恐同兒戲若曰主治痰飲停積
 覲功亦難易簡於煎煮服餌後遽云若感冒得之
 加麻黃等分大凡風寒為患輕則曰感冒重則
 曰中曰傷今得之感冒輕也為咳為嗽無頭痛無
 發熱何苦便加麻黃駭劑顧與志寧易簡簡要多

暄下易
 簡方有
 不常二
 字纏作
 連

斥麻黃不可輕用何至此而忘前失後此愚所不
 敢聞繼出二方但用麻黃意為引例一方名平氣
 飲舉治久嗽暴嗽已未貼題而曰主治氣虛喘急
 既屬氣虛亦非所宜一方名九寶湯用薄荷紫蘇
 大腹皮麻黃各一兩桑白皮桂杏仁橘紅甘草各
 半兩以主治素有喘疾遇寒暄之時發則纏綿不
 已暄字下得未著以其真方考之乃用大腹子連
 皮是不可獨用皮也兼合用官桂紫蘇甘草杏仁
 去皮尖桑白皮各半兩分兩亦少差其麻黃薄荷
 陳皮三味乃各一兩此本出蘇沈治喘良方主咳
 嗽則過峻而以麻黃薄荷陳皮為解散主故倍其

數兼當用陳皮不用陳紅此取其陳皮白與脉膜助其行表也。要法治嗽證不帶喘急不必處用麻黃。縱對證應用惟宜春冬寒時如當春暖夏熱秋燥並不須行為至穩。原其咳嗽有若疝瘡雖皆屬小病卒未殺人百歲老醫亦怕治療以其所因多門未易窺測請觀軒帝岐伯問辨乃云五藏六府皆令人咳非獨肺也各有移變證狀具載于內經。咳論中可攷。巢源又出土氣嗽飲嗽鯁嗽冷嗽邪嗽者五。但邪嗽即感四時邪氣而成冷嗽即形寒飲冷傷肺所致。局有五嗽圓主之未為詳備。若感寒咳嗽局有五積散加杏仁七粒去皮尖切碎同煎自是效藥。雖有麻黃共一十六味而麻黃用亦少不易為梗更以見成圓散顯而言之肺胃虛寒致嗽局有胡椒理中湯例。虛勞冷嗽局有人參款冬花膏例。肺虛客熱致嗽局有大阿膠圓例。肺氣不調致嗽則有百部圓例。風痰咳嗽局有玉壺圓例。肺氣不足致嗽局有鍾乳補肺湯例。虛勞嗽局有續添人參清肺湯例。寒盛風盛咳嗽局有金沸草散例。咳而脇痛者為肺中有水局有小青龍湯例。風壅致嗽局有玉液圓辰砂化痰圓例。寒壅致嗽局有款冬花散例。雖然寒壅風壅最為難治以世醫未得其傳不造其奧是嗽皆由上盛之人或

則疑局

世醫未得其傳不造其奧是嗽皆由上盛之人或

富貴之家嚴冬祁寒居處紅爐煖閣複帳重衾忽啓戶推簾迎寒撲風發而為嗽復特以避寒就溫將愛為法深入邃房高燒熾炭飲以酒醴啖以炙燂欲外卻風寒而不知反將先襲之風寒辟入腠理經絡壅于肺胃縱世醫認其聲重嗽逼時吐稠痰或只乾嗽語音難發雖得為壅名柰壅者閉也不先啓壅而風寒莫能發越咳久有血便彌為肺損進以鍾乳之類補之其壅益重豈獨纏綿而已圓散雜試亦可成病藥而已比遇川僧所授凡治壅嗽止以紫蘇子八味降氣湯先以薄芎鹿末生胡麻各一撮爛嚼至細却以煎降氣湯嚥之只二

三服奏功咳而有血亦併治之真所謂功著如神非比孫王言溢於實也先處薄芎胡麻嚼細而後嚥以降氣湯者極為有理誠以薄芎味辛苦而性溫能開關格胡麻味甘平亦性溫大能治肺氣潤諸藏其功至多也壬午歲在夔門有王廣文不幸舟行一側室大患嗽血卒致失聲咸謂其病類主人便為急勞大為憂慮是時適吾鄉達許大寧趨臺目其病矜其苦浼與一診正值隆寒船首一間復煒熾炭不可向邇診其六部俱盛愚參之急勞亦無是速惟熾炭為禍劇哭為釁有此嗽血聲嘶耳言之恐不合其疑未必服藥徐徐誘之移爐徹

炭乃授以前降氣湯加知母貝母天門冬仍嚼胡
麻薄芎爛細嚙之數劑帖然此見透脉視厥病作
小病醫治吁蜜生於蜂蜂寒而蜜溫油生於麻麻
溫而油寒此非小智淺識者所能窺測妄與擬議
也衛生君子宜詳鑒之咳嗽詳論愚嘗著于和
劑類例之中矣

右隨孫王立說誤因得辨其誤以指其理處方
泛因得繩其泛以歸其治俾昧者秉燭夜行好
者觸類日進豈云小補唯婦人病倍於男子者
曰胎曰產小兒病異於大人者曰驚曰疳無例
可排有懷莫吐願延殘喘當為續書

說鈎曲脉

軒帝諭人身法天地立脉以四時為本胃氣為先
故曰春脉弦弦多胃氣少曰病但弦無胃氣曰死
夏脉鈎鈎多胃氣少曰病但鈎無胃氣曰死秋脉
毛毛多胃氣少曰病但毛無胃氣曰死冬脉石石
多胃氣少曰病但石無胃氣曰死總立四十九脉
以決病情之可治不治易已難已曰存曰亡至晉
太醫令王叔和採為歌著為經以四十九脉合為
二十有四以鈎歸洪毛歸浮石歸沈致後世知派
而不知源愚辛丑留發趙守平齋適小便夜多慊
為渴疾愚診曰非也耆老嬰孩類皆有此惟下焦

寒。膀胱冷耳。若為渴疾。晝溺亦多。慊終未釋。料合人李其姓者。恐其主雜薦醫。仍招志寧至療。反篤。一日平齋約愚密診。而脉已變矣。不惟鈎曲。來不帶緩。未免直以心病深。胃氣衰為告。李與孫聞之。相視而笑曰。脉安有鈎曲者。以雜劑試其病。未幾而平齋奉祠。夫鈎曲脉。軒帝明載于平人氣象論。曰。脉來累累如聯珠。如循琅玕。曰心平。喘喘連屬。其中微曲。曰心病。前曲後居。如操帶鈎。曰心死。為醫而不曉此。既不告於病已變。又不告於病已見。復不告於病已成。愚痛惻書此。惟祈衛生君子。無以性命耐庸醫人。請力學之士。毋師易簡簡要。膚

淺謬妄。肆為戕世。庶無負砥鏡老子之忠肝也。

續易簡方論後集卷之二

屋上 糸 不 集 卷 之 二

屋上 糸 不 集 卷 之 二

